

# PROGRAM KOMUNITI SIHAT PERWIRA

[airforce.mil.my/berita/acara-rasmi/4859-program-komuniti-sihat-perwira](http://airforce.mil.my/berita/acara-rasmi/4859-program-komuniti-sihat-perwira)

KUALA LUMPUR, 23 Apr 19 – Program Komuniti Sihat Perwira yang dirasmikan oleh Panglima Angkatan Tentera, Jeneral Tan Sri Dato’ Seri Panglima Hj Zulkifli bin Hj Zainal Abidin hari ini adalah bertujuan untuk memperkasakan warga ATM dalam penjagaan kesihatan dan mental dalam memastikan kesiapsiagaan anggota tentera berada ditahap yang maksima.

Selain itu, program ini juga adalah untuk memberi kesedaran dan pengetahuan kepada anggota tentera bagi mengawal penyakit tidak berjangkit dan komplikasi bagi penyakit tersebut.

Program Komuniti Sihat Perwira pada kali ini dianjurkan bersama Bahagian Perkhidmatan Kesihatan (BPK) dan Cawangan Provos Marshal ATM. Antara pengisian program ini adalah Ceramah Komuniti Sihat oleh BPK yang menyentuh berkaitan pelaksanaan KOSPEN PERWIRA serta tatacara pelaksanaan di dalam ATM.

Ceramah Anti-Dadah akan turut diadakan oleh PDRM yang merangkumi trend dan ancaman terkini dadah di Malaysia. Manakala Forum Kesihatan oleh Pakar Psikiatri ATM, wakil Cawangan Probos Marshal ATM dan wakil PDRM merangkumi topik kesihatan mental dan dadah.

Turut diadakan adalah saringan kesihatan, pameran kesihatan, pameran peralatan kesihatan dan pameran berkaitan anti-dadah di Foyer Wisma Pertahanan yang mendapat kerjasama dari Jabatan Penjara Malaysia, PDRM dan AADK.



